



Caderno da crítica

Cuestionario Proust: Henrique Monteagudo

[Ramón Nicolás](#) 29 marzo 2014

<https://cadernodacritica.wordpress.com/2014/03/29/cuestionario-proust-henrique-monteagudo/>

1.– Principal trazo do seu carácter?

– Optimismo da vontade, pesimismo da razón.

2.– Que calidade aprecia máis nas persoas?

– Intelixencia e honestidade.

3.– Que agarda das súas amizades?

– Comprensión e apoio.

4.– A súa principal eiva?

– Precipitación.

5.– A súa ocupación favorita?

– Aprender.

6.– O seu ideal de felicidade?

– A realización plena.

7.– Cal sería a súa maior desgraza?

– A perda da miña dona ou dunha filla.

8.– Que lle gustaría ser?

– Músico.

9.– En que país desexaría vivir?

– País, neste que vivo. Cidade: Nova York.

10.– A súa cor favorita?

– Todas as do mar, desde o azul opaco ata o verde cristalino.

11.– A flor que máis lle gusta?

– A dos chuchameles.

12.– O paxaro que prefire?

– O mascato.

13.– A súa devoción na prosa?

– Borges, Poe, Saramago, Cunqueiro, Martín Sarmiento.

14.– E na poesía?

– Rosalía de Castro, Fernando Pessoa.

15.– Un libro?

– *Os camiños da vida*.

16.– Un heroe de ficción?

– Éitor.

17.– Unha heroína?

– Antígona.

18.– A súa música favorita?

– Son moi ecléctico: desde a medieval e a clásica ata o jazz e o rock and roll.

19.– Na pintura?

– Giorgio de Chirico, Magritte, Seoane.

20.– Un heroe ou heroína na vida real?

– Malala Yousafzai.

21.– O seu nome favorito?

– Durandal.

22.– Que hábito alleo non soporta?

– A pesadez e a mala educación.

23.– O que máis odia?

– O ruído.

24.– A figura histórica que máis despreza?

– Franco.

25.– Un feito militar que admire?

– A resistencia británica contra a ofensiva nazi en 1940-42.

26.– Que don natural lle gustaría ter?

– Talento para a música.

27. – De que maneira lle gustaría morrer?

– A morte non me preocupa moito, preocúpame moito máis a doenza.

28.– Cal é o seu estado de ánimo máis habitual?

– Tornadizo, tendendo a ansioso.

29.– Que defectos lle inspiran máis indulxencia?

– A gula e a lascivia.

30.– Un lema na súa vida?

– *Hinc et nunc*, que é o reverso complementario de *Tempus fugit*.